

I. N. J.
DISSERTATIONIS

DE

OFFICIO
TRANSLATORIS
SACRARUM LITTERARUM

Circa

VERITATEM,

C U F U S

PARTEM PRIOREM, *Solam.*

Consensu Ampliss. Facult. Philos. in Reg. Acad. Aboëns.

PRÆSIDE

LAURENTIO O.
LEFREN,

L. L. O. O. & Græcæ Profess. Reg. & Ordin.

Publicæ Bonorum censuræ subjicit

NICOLAUS HÖÖK.

Vestergothus

In AUDITORIO MAJORI die *XIII* Aprilis

Anno MDCCCLXXV.

H. A. M. C.

ABOÆ

Typis JOHANNIS CHRISTOPHORI FRENCKELL.

A
—
MONSIEUR,
M^{ONS.} SIMON PIERRE
ROTHSTEIN,
INTENDANT DE LA COUR.

MONSIEUR,

En prenant la liberté de Vous dedier cet Essai Académique, ce n'est pas à Vos richesses que j'en veux faire hommage. Elles sont les dons de la Fortune, bien qu' étant si honnêtement employées comme par Vous, elles relevent l'éclat de la Vertu personnelle. Je ne prétends pas non plus de Vous offrir ici de quoi satisfaire Votre gout pour les études, ni de Vous fournir une

une lecture, qui puisse devenir pour Vous une source d'instruction, ou d'amusement. La matière de ce peu d'ouvrage regarde un sujet, dont l'utilité est bornée à un certain ordre de Scavans. Il y a des raisons bien plus fortes & plus particulières de mon entreprise. Dès le premier moment que j'eus l'honneur d'entrer dans Votre Maison vous n'avez cessé de me combler de bienfaits. Voilà, Monsieur, ce qui me donne la hardiesse de mettre sous l'auspice de Votre noble Nom cette ébauche litteraire pour qu'elle en emprunte du brillant, & pour Vous donner en même tems une preuve de ma vive reconnaissance, laquelle Vous trouverez toujours s'efforcer de remplir par des sentimens de déference & de soumission ce qui lui manque de pouvoir de se déclarer d'une manière plus réelle. Si Vous daignez, Monsieur, agréer l'offre, que je Vous en fait, & m'honorer de la continuation de Vos bonnes grâces, je serai au comble de mes voeux.

Au reste je ne cesserai jamais d'adresser à l'Etre Suprême des voeux ardents pour Votre prospérité & pour celle de tous Ceux, qui Vous appartiennent.

J'ai l'honneur d'être avec beaucoup de respect,

MONSIEUR,

Votre très-humble & très-
obéissant Serviteur,

NICLAS HÖÖK.



§. I.

Additum ad Institutum brevi præfamine manit;

Inter maxima beneficia, quibus Deus optimus maximus genus nostrum beare voluit, meritissime referuntur SACRÆ LITTERÆ, quæ veram nobis viam monstrant, qua ad æternam Felicitatem eundum, nosque tam plene erudiunt de omnibus, quæ salutem consecuturis vel credenda vel facienda sunt, ut, si iis recte utamur, nihil omnino, neque magnum neque parvum, desideremus. Huc accedit, quod tam plano & certo orationis genere exaratæ sunt, ut nemo homo tam stupido sit ingenio, qui eas quantum satis sit, non intelligat, modo veram cognoscendi viam ingredi velit. Unum duntaxat incommodum tantis commodis adnexum hodie est. Hoc in eo consistit, quod plerique mortalium, ex quo linguae authenticæ in desuetudinem abierunt, eas non nisi ex
ver-

versionibus cognoscere possint. Haec versiones, quamvis in iis, quae ad substantiam Salutis pertinent, satis bona inveniantur, in multis tamen emendatione indigent. Non equidem diffiteor, alias aliis continue meliores esse, nihil tamen minus, omnes suis laborare naevis, certum est. Nulla certe ostendi poterit, quae Sermonem originalem & veritate & claritate sensus per omnia æquet. Hoc vero, quamvis maximum videatur incommodum, eo tamen ipso insigniter minuitur, quod & veriores & clariores indies confici possunt versiones. Hoc nos condocent nova meliorum specimenia, quae variis temporibus variis in gentibus prodierunt. Quid Itali, Galli, Germani, Batavi, Angli, Dani, Fenni, aliquae hac via præstatum iverint, haud obscure constat ex istis Specimibus, quae singuli horum populorum dederunt. Quid vero a Svecis nostris, Auspiciis SAPIENTISSIMI PRINCIPIS, nuper hoc in negotio effici coepit, id nos docet novum Specimen Versionis trium Scripturarum Librorum, quod anno proxime præterlapso typis expressum est. Quibus igitur tum *animi*, tum *ingenii* dotibus ornatum esse oporteat Interpretem, qui prioribus veriorem & clariorem adornare possit Sacrae paginae translationem, nunc admodum opportune queritur, eoque opportunius, quod qui arduum hoc negotium gerunt Viri docti, pro ea, qua clarent ingenuitate, publicis Litteris significatum iverunt, se non modo æquo, sed grato etiam animo accepturos quicquid sibi oblatum fuerit moniti. Quum vero usu venire soleat, ut quo quis ad meliora præstanta ineptior sit, eo ad rodendum & carpendum se exhibeat paratiorem, non alienum fuerit docere, quantum *solertia* ii si bi necesse habeant adquirere, qui de tanto negotio *idonea arbitria* facere velint. Nobis igitur cum quærendum eslet argumentum Speciminis Academici Gradualis, nihil tam placuit, quam quæstio de *Officio*, quod circa veritatem

ac claritatem Interpretationis SACRARUM LITTERA-RUM versatur. Hanc igitur exercenda industriolæ materiam esse voluimus. Quum vero nobilissimum hoc argumentum latissime pateat, satis habere cogimur, si primas duntaxat lineas ducere hic possimus. Vos igitur, Lectores benivoli, quo decet verborum honore, rogamus, ut hunc qualemcumque *gustulum* æqui bonique consultatis, donec coenam parare sinat Fortuna, quam hactenus novercam habuimus.

§. II.

De notione Veritatis pauca monet.

Quum cardo quæstionis de officio boni SACRARUM LITTERARUM Interpretis in eo potissimum versetur, ut *vera sit interpretatio*, quam adornat, a scodo alienum non fuerit hic paucis saltem verbis, quid sit *veritas*, docere. Forte non deerunt, quibus superflua videatur diligentia, quæ enodando impenditur vocabulo, cuius potestatem etiam lippæ & tonlores se satis distincte opinantur intelligere. Quum vero hæc vox tam multas tamque varias involvat *relationes*, ut rudioribus certe Lectoribus negotium facilius possint, nisi enucleatus expri-mantur, potiora earum genera, quæ hic in censum venire debent, breviter repræsentasse juvabit. Scire itaque licet, in omni cogitatione veritatis *consensum* quandam plurium inesse, Hinc enim inter res *ipfas* & earum *notiones*, illinc vero inter *notiones* rerum & *signa* verborum locum habet re-latio. Cumque nullum Scriptum ex una in aliam Linguam vere transferri queat, nisi notiones rerum in utraque coincident, facile intelligitur, in utraque verbis cum

cum verbis & formulis cum formulis interesse relationem, vi veteris illius canonis: *Quæcunque convenientiunt unitrio, ea etjam inter se convenientiunt.* Neque enim vera est translatio, nisi hujusmodi sit, ut *idem sentias*, sive auctoris, sive interpretis verba legeris. Quomodo autem idem sentire poteris, nisi in utroque casu eosdem tum *conceptus*, tum *affectus ex verbis* oriri cognoveris? Hinc *Veritas Interpretationis nihil est aliud, quam identitas sensorum animi*, quæ hinc *ex verbis Auctoris*, illinc *ex verbis Interpretis* bauriuntur. Quid vero nomine sensorum animi venire soleat, id quamvis obscurum non sit doctioribus, hic tamen in gratiam rudiorum paulo distinctius exposuisse non pigebit. Quoties rem aliquam adtentius intuemur, nobisque justam temporis moram ad eam percipiendam sumimus, toties in animo nostro *similem sui imaginem* relinquit, ad eundem fere modum, quo *speculum* oblata sibi objecta repräsentat, vel *cera* sigillo signata ipsam *sigilli sculpturam* cum singulis lineamentis exprimit. Hæc rerum *vestigia* menti impressa illud ipsum sunt, quod *notionum* atque *conceptuum* nomine insignire solemus. Hi *conceptus* cum ope sensuum, vel externorum vel internorum adquirantur, eos *sensa* adpellare moris est. Cumque non tam receptionis *materialis*, quam perceptionis *mentalnis* effectus sint, *animi sensa* plenius adpellantur. Sensa vero animi duorum sunt generum. Alia enim ex *intuitu* ipsarum rerum, alia ex variis rerum *signis* proficiscuntur. Hinc duplex cognitionis genus, *Intuitivum & Symbolicum*, oritur. Illud verum, fixum, certum & solidum; hoc saepe falsum, vagum, dubium & imaginarium est. Sed hæc hactenus. Nunc ad propositum proprius progrediendum.

§. III.

*Officium boni Sacrarum Litterarum Interpretis breviter defi-
nit ac dividit.*

Quoniam igitur de *Officio boni Sacrarum Litterarum Interpretis* agere constituimus, forte non defuturi sunt Lectores, qui hoc a nobis postulent, ut quid nomine *Officij* hic veniat, brevi saltē vel *descriptione*, vel *definitione* determinemus. Quamvis igitur notio, qua huic quidem voci subest, ex earum sit numero, qua naturalem quandam simplicitatem spirant, ob eamque caussam exquisitis definiendi *artificiis* potius obscurari quam declarari possint; ne tamen de *Officio* scribentes *Officio* defuisse videamur, verbo indicasle sufficiat, id nobis *officium* dici, *quod cuique ita injunctum est, ut, nisi id sollicite exequatur, culpa vacare nequeat*. Quicunque vero nomen boni Interpretis tueri vult, is duplē sibi *obligationem* incumbere reputet, quarum altera *prava fugiendi*, altera *recte sequendi* necessitatem importat. Hinc geminum nascitur *Officium* interpretis, *negativum*, quod falsis evitandis, & *positivum*, quod veris adducendis abſolvitur interpretamentis. Et quoniam ad hoc tam bona *voluntas*, quam vera *facultas* requiritur, facile quisque videt, ex *Officio* interpretis esse animum utraque instructum ad negotium adferre. Quid igitur voluntati vel obſit vel proſit, priuum videndum.

§. IV.

*Præjudicij impietatis in voluntatem Interpretis Influxum
ostendit,*

Velle

Velle & posse verum videre duo sunt magna in
translatore Sacrarum Litterarum. Alterum sine altero semper
inutile est. Quisquis igitur officio boni interpretis defun-
getur, is hæc *duo* semper debet *conjugere*. Sin minus
inanem sumit laborem, vel certe nihil magnopere lau-
dandum præstat. Quidquid igitur hic præcipi potest, id
partim ad *voluntatem*, partim ad *facultatem* redeat, ne-
cessè est. Si naturam *veritatis* noviscent mortales, mi-
rum videri posset, si vel unus inveniretur, qui ejus amo-
re non flagraret. Verum hoc multo aliter fieri, deplo-
randa loquitur experientia. Tria sunt incentiva, quæ
animum humanum amore certi alicujus objecti inflam-
mare possunt, *honestas*, *utilitas* & *jucunditas*. Hæc omnia
in *veritate* insunt, sed si rite *adgnosci* possint, necesse est,
ut animus sit *serenus*, nec iis obscuratus nebulis, quæ ex
insano præjudiciorum stagno adscendunt. Quum omnium
præjudicatarum opinionum nulla neque pertinacior,
neque pestilentior esse possit, quam quæ ex ipsa *impicitate*
nascitur, facile quisque perspicit, *præjudicium impietatis*
cane & angue pejus fugiendum esse interpreti, qui ve-
rum Scripturæ sensum alia quacunque lingua exprimere
adgreditur. Hoc *falsam honestatem*, *falsam utilitatem*, *falsam*
jucunditatem importat, eoque ipso, quantum in se est,
veritatem jugulat. Qui impio laborat animo, is variis se
vitiis mancipat, ex iisque nescio quod, *voluptatis* blan-
dimentum se somniat percipere, quamvis in toto vitio-
rum pelago, ne unica quidem gutta *geminæ* & *sincere*
inveniatur *voluptatis*. Contra vero hic nihil pietate tetri-
us, nihil tristius, nihil molestius opinatur, quamvis verus
pietatis gustus omnia sentiat contraria. Quomodo igitur a se
impetrare possunt impii, ut semper *verum* exprimant *sensum*
formularum Scripturæ, quæ, ut eorum fert *præjudicium*,
omne illis *solatium* adimunt, triste vero tormentum im-
pingunt?

pingunt? Qui impie vivunt, ii toties *faucia* adfliguntur
conscientia, quoties ad se redeunt, quod subinde fieri
 necesse est, cum *benevolæ Dei sapientia* cautum sit, ne
 perpetua esset catena *deceptricum voluptatum*, quibus ser-
 viunt. Fieri igitur non potest, quin gravem patiantur
 veritatem, quæ eos prius non desinit angere ac coquere,
 quam eo *obdurationis* procererint, ut *callo* obductam ha-
 beant *conscientiam*. Quamdiu igitur vera & sana angorum
levamina, quæ *Sacræ propinat Litteræ*, per impietatem
 fastidiunt, tamdiu necesse habent miseræ suæ *conscientiæ*
falsa & *insana* obtrudere *medicamina*, quæ evigilanti
soporem & remordenti *stuporem* inducant. Quatenus igi-
 tur *sacrum* aliquod *interesse*, ut ita dicam, in eo querunt,
 ut veritati *nervos* incidere & *aculeos* obtundere possint,
 eatenus fieri non potest, ut *verum* verbi *Divini sensum*
 studiose querant & sincere exprimant. Quemadmodum
 vero qui corpore altiora acceperunt vulnera simul &
interna & *externa* adhibere solent *remedia*, ita impii non
 satis habent ipsi suæ ipsorum *conscientiæ* crassissima pro-
 pinare *mendacia*, sed id quoque quavis occasione agunt,
 ut ab aliis etiam similia audiant solatia. Hinc, ut suam
sectam novis quotidie *proselytis* augeant, cunctos ingenii
 nervos intendunt, hanc laboris mercedem exspectantes,
 ut partim pauciores *accusatores*, partim plures habeant
consolatores. Quoniam igitur eorum interest quamplurimos
 habere socios erroris, eos quoque juvat nihil relinquere
 intentatum, quod ad *lucem veritatis* vel *obfuscandam* vel
extinguendam pertineat. Cumque ea agere, quæ plenæ &
 planæ repugnant *convictioni*, turpe putent omnes, qui *sa-*
no utuntur judicio, ipsa quoque species honestatis, quam
 impii tueri cupiunt, saepe impedire, quominus *veram* &
sanam *Sacræ Paginæ interpretationem* procudant, quippe
 qua se ipsi redarguerent hypocriseos. Innata igitur *su-*
perbia

perbia impediuntur, quominus eos se videri velint, qui sua ipsorum placita, quæ vita exprimunt, *doctrina* destruant. Quin potius ut quisque maxime impio est animo, ita de superbo *Fortium Spirituum* titulo participare velit constantissime. Horum vero proprium est Divinas Litteras in putidissimis ingenii humani commentis ponere. Quantum igitur periculi necesse sit veritati imminere, si impio in mentem veniat Sacrarum Litterarum interpretationi operam impendere, id obscurum esse potest nemini, qui rem justa æstimatione metiri didicerit.

§. V.

Ipsam quoque Facultatem Sacras Litteras vere transferendi impiis abjudicat.

Quamvis igitur impius interpres difficillime a se impetrare possit, ut verum Sacrarum Litterarum sensum illis in locis exprimat, ubi suum ipsius statum condemnari sentit, quotidiana tamen experientia subinde fieri posse, docet, ut quod quis puro puto virtutis amore non faceret, id tamen alias ob caussas faciat. Hinc sua se sponte offert questio, numne illi etiam ipsi, quorum ratio status postulat, ut sibi persuadeant, falsa esse omnia, quæ Sacrae Litteræ vel bonis pollicentur *præmia*, vel malis minantur *supplicia*, veram & sanam Scripturæ interpretationem tum concinnare possint, cum ex ea aut quo *superbiæ*, aut quo *avaricie* satisfaciant, secuturum sperant. Non equidem ignoro hominibus impietati servientibus subinde accidere, ut cum præstantissimi *ingenii*, tum præclarissimæ *doctrinæ* laudibus florent, nihilo tamen minus periculum est, ne *impious animus* in omni studiorum ge-

nere ea & quærat studiosius & adservet diligentius, quæ
 suo gustui & statui uti supra monuimus, convenient, quam
 quæ utrique adversum tenent, ob eamque caussam & rumna-
 rum plena videntur, eoque pleniora, quo plus lucis
 adferant, & proinde fortius securam inquietent conscienti-
 am. Et quamvis non temere negemus, etiam ab impiis
 aliquid egregii ad Scripturam Sacram interpretandam
 subinde adferri posse, in primis si ex eorum numero
 sunt, qui sua plus interesse putant æternam nominis famam,
 quam crebro casitauræ conscientiæ emplastra adquisivisse;
 hoc tamen vix sæpius usū venire potest, quam ubi quæstio
 de rebus mere *theoreticis* est. Simul enim atque de
practicis quæritur, longe aliter sentiendum est. De his
 enim opinione sæpius eodem modo judicat *impius*, quo
cœcus de coloribus. Sacrae enim Litteræ, cum de rebus
 huius ordinis agunt, partim simplici & populari utuntur
 sermone, partim eas oratione alto incedente cothurno ex-
 primunt. In neutro vero casu verba definire solent, sed
 in utroque eas supponunt notiones, quas quisque *in se ipso*,
 cum in praxi constitutus est, *experitur ac intuetur*. Quo-
 ties itaque in Sacris Litteris res occurrunt, quas *impius*
nunquam in se expertus, nunquam intuitus est, toties notio-
 nes earum *nullas* habet. Et si quas sibi videtur habere,
 ex *fictitiæ & imaginariæ* sunt. Certe non nisi *casu veræ*
 esse possunt. Quomodo igitur interpretabitur quis quod
 ipse non intelligit? Qum verba verbis & formulæ for-
 mulis in utraque lingua sibi invicem exacte respondent,
 tunc vera quidem verba & veras formulas chartæ illine-
 re potest, sed *res ipsas*, nisi expertus sit, non magis,
 quam *psittacus*, intelligit. Ubi vero verba occurrunt *trans-
 lata & formulæ tropicæ*, ibi in manifesto errandi pericu-
 lo versatur. Potest quidem ex analogia rerum, quas
 proprie significant, per *compositionem & divisionem* aliquas
 sibi

fibi ideas excudere, sed nisi eas ad res ipsas menti impressas exigere & corrigere possit, periculum est, ne pura puta sint phantasmatata, quæ rebus ipsis non melius, quam ocrea capiti & galea pedi convenient. Interpreti veritatem sequenti sapissime usum præstat canon: *talia sunt prædicata, qualia permittuntur esse a suis Subjectis,* quippe ex quorum natura, nunc dilatandæ, nunc restringendæ veniunt potestates verborum, quas tum habent, cum ad alias res signandas adhibentur. Hoc in rebus *naturalibus & artificialibus* tota die accedit. Quid igitur accidet in rebus mere *Spiritualibus*, ad quas digitum in hoc loco præcipue intendimus? Nonne labi, errare, decipi frequentissimum erit? Hoc negaturum puto neminem, nisi cuius intersit pio & impio eandem facultatem interpretandi Divinas Pandectas tributam videre. His cogitatis parallela habet *Perillustris Baro CHRIST. WOLFIUS* in Logica part. II. Sect. III. Cap. VI. §. 930 p. m. 660. & in Notis ad Orationem de Sinarum Philosophia Practica not. 106, III. 136.

§. VI.

Pietatem in Interpreti requirit, sed solidam & sinceram;
quæ non falsa præjudicia, sed vera judicia sequitur.

Ex his luce clarius adparet, adprime necessarium esse, ut animus Interpretis, qui in S. Sacra transferenda cum laude versari velit, *verum & vivum pietatis sensum* habeat. Quemadmodum vero non id omne aurum, quod speciem refert auri, ita nec id omne pietas est, quod colorum pietatis mentitur. Vera notio pietatis nullum admittit fucum, sed quidquid habet, id *sincerum & solidum*

est, non insanis *præjudiciis*, sed sanis *judiciis* superstru-
ctum. Non desunt interpretes, qui tum demum se lau-
dabiliter in hac palaestra versari putant, cum *alias pias*,
alias veras dicant translationes. Sed qui *verum* et *pium*
hoc in negotio *separant*, ii, nostro quidem judicio, nec pii
nec veri sunt Interpretes. Sunt alia atque alia Scripturæ lo-
ca, quæ in translationibus quibusdam antiquioribus plus ner-
vi habere videntur vel ad veram aliquam *thesin demonstran-*
dum, vel ad bonam aliquam *praxin promovendam*, quam
revera habent in textu, qui interdum de rebus minoris
ponderis agit. Sua igitur sponte hic oritur *quæstio*, quid
interpreti talibus in casibus faciendum sit? veterem ne *erro-*
rem vera versione *emendare*, an vero *pias* quadam *fraude*
confirmare debeat? Hoc alii putent, nos illud tenemus.
Cur vero sic sentiamus idoneas habemus caussas, quas
hoc loco non reticendas arbitramur. Primum quidem
boni viri est in omnibus *sincere & candide* versari &
nulli unquam fraudi locum relinquere, quantumvis ea
speciem pietatis præ se ferre videatur. Deinde nulla ne-
que vera *thesis Theologica*, neque bona *praxis Christiana*
opus habet ementitis ejusmodi adminiculis. Nam si illa
vera & hæc bona sit, satis utraque firmamenti in aliis
Scripturæ locis habet: Sin vero minus, neque altera
veritatis, neque altera *bonitatis* laudem tueri poterit.
Præterea valde periculosum est *veram doctrinam falsis*
argumentis adstruere. Simul enim ac hostes *veritatis*
fraudem animadvertunt, statim, pro *misera sua Logica*,
subsumere non verentur, falsa esse omnia etiam certissima
quæque argumenta, quibus *thesis* vel *praxis*, de qua
quæstio est, aliis in locis nititur. Tandem vero si hoc
genus *errorum* penitus intactum relinquemus, nihil
plane juris retineremus emendandi eos errores, qui
& *veritati & pietati dicam scribunt*, vel variis faltenz
dictis

dictis *nervum probandi veritates cælestes* incident. Verbo: nulla translatio emendanda foret, sed quælibet gens, retenta versione antiqua, in vanum cadere sineret tot vota bonorum, tot spicimina doctorum, tot instituta Principum, qui de tollendis versionum antiquiorum mendis solliciti fuerunt.

§. VII.

A præjudiciis Sectarum baud parum periculi veritati Interpretationis imminere, demonstrat.

Sub ficta pietatis larva se etiam occultare solent præjudicia, quæ sua cujusque Secta involvit. Hæc Interpreti veritatis amanti eo diligentus cavenda, quo Facilius etiam invitis obrepere & cautis imponere solent. Deus se hominibus optimum semper amicum tam voce & sermone, quam re & opere exhibuit. Quoties igitur eos verbo vel a malo revocare, vel ad bonum incitare instituit, toties ad captum omnium locutus est, sermone familiari usus, sine vana artis affectatione, aut ostentatione. Quamdiu igitur homines, evitatis omnibus argutiis, sancto se spiritui illuminandos, regenerandos & sanctificandos committebant absque ullo alio doctrinæ corpore, quam quod sinceram & genuinam spirabat simplicitatem, tamdiu veritati insidias non struebant horrenda illa monstra, quæ præjudicia Sectarum adpellamus. Ex quo vero Ecclesia Christiana, primi amoris oblita, in capitalem inciderat errorem, quem nunquam postea penitus exuere potuit, nucleus religiosis non tam in simplicitate doctrinæ ac integritate vitae, quam in subtilitate disputationum ponendum esse, varia prodierunt Sectæ, quarum quælibet suum adotavit Syste-

ma doctrinæ, ad quod probandum Sacras Litteras obtorto
 quasi collo trahere cœpit. Hinc omnia partim *arte tornanda*, partim *marte torquenda* erant, donec apta fierent,
 quæ aliquam Systematis lacunam implerent. Quæ igitur antea naturalem spirabant simplicitatem, ob eamque
 caussam facilem habebant perceptionem, ea postea, exstruc-
 to Systematis ædificio, ad illud, invita natura, se adcom-
 modare coacta sunt, illum mentita sensum, quem Sectæ
 commodum postularet. Longum foret, si per omnia
 eundo sæcula idoneis demonstraremus exemplis, quan-
 tum hæc pestis ad *enervandam & proscribendam* transla-
 tionum *veritatem* valuerit. Nunquam vero plus detrimenti
 adferunt *præjudicia*, quam cum *Secta Sectæ opposita* oppo-
 sitis servit *præjudiciis*. Tunc enim sæpe usu venit, ut
neutra veritatem inveniat, ad eundem fere modum, quo
 inimici, qui, prehensis antiis, contendunt, via relictâ, in utrin-
 que positis lacunis se vicissim volant. Illustre exemplum
 hujusmodi *præjudicij* nobis reliquit *Chaldeus interpres*,
 qui *Targum Hierosolymitanum* condidit. Erat ille (ver-
 ba sunt b. D. I. I. Rambachii in *Commentatione de Idoneo Sacrari. Litterar. Interprete Sect. I. §. VII. p. 14.*) ut ex
 multis indiciis constat, *Pharisæorum doctrinis imbutus*, qui
 adversus *Sadduceorum errores mortuorum resurrectionem*,
vitæque sanctioris post obitum præmia recte defendebant.
Vera hæc erat hypothesis & multis *Scripturæ testimonis*
 comprobata. Sed quid ille? primum quoscumque obvios in
Scripturis babet profanos homines, illos omnes in *Saddu-*
cæorum ordinem intrudit. Hujus erroris specimina luculen-
 tissima dedit Gen. IV, 8 &c. XXV. 34 quæ hic adponeremus,
 nisi chartæ angustia plura persequi prohiberet.

